



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

**Kurtzes Handtbüchlein/ vnd Experiment/ vieler Artzneyen/  
durch den gantzen Körper des Menschens/ von dem  
Haupt biß auff die Füß**

**Ryff, Walther Hermann**

**Straßburg, Anno M.DC.XIV.**

Von dem Hertzen.

**urn:nbn:de:hbz:466:1-43769**

## Von allerhand Arhney/

Wasser/ vnd dru f ein Lamen dach darein/ vnd lege das also warm auff die Seiten/ es vergeht die ohn zweiffel.

Welcher das stromen in der Seiten hat/ der lege spitziige Wegerich blätter in warm Wasser/ vñ lege sie also warm an die starr daran es dich nicht/ oder auff das Milz/ so wurd ihm bass.

## Cap. xxij. Vom Herzen.

**L**ignum Aloes gepulvert/ vnd oft genützt/ ist gut für das Francke Herz.

Das Silber stärcket das Herz/ vnd macht ein gut Geblüt.

Ochsenzungen nähts gessen/ vnd die genützt mit Wein/ vertreibet das Herzgespan.

Wilder Galgan oft genützt/ stärcket das Herz.

Endiuien stärcket das Herz/ das siech ist von Sitz.

Lapis Margarite/ das seind Buerlin/ die reinigen das Herzblut/ vnd stärcken das Herz.

## Für das Zittern des Herzens.

Welcher geschaben Gold oft nütze/ dem nimpt das zittern des Herzens/ das da kompt von einer Feuchtigkeit.

Borzago blumen/ die gessen oder darab gedrunckē/ nimpt das Herzzittern.

Cardaica/ das ist Herzgespan/ das kraut gestossen/ vnd den safft bereit mit Zucker/ vnd den nüchtern ein genommen/ ist gut für das Herzzittern.

Cardamomi frucht puluer ein quintlin/ vnd drinck das mit Wein/ oder mit einer Brüh gessen es hilfft wol für das Zittern.

Welcher das Herzzittern hat/ der nemme ganzen Calmus/ vnd seud den in Wasser/ vnd oft genützt/ nimpt das Herzzittern.

Epithimum die fallen auff dem Alee/ die oft genützt/ ist gut für das Herzzittern.

Galgan

Galgan offte genüzt/ ist gut den zitterenten Herzen.  
 Voelhung offte gebraucht/ nimpt das Herzzittern.  
 Spicanardi gedruncken mit kaltem Wasser/ nimpt  
 das Herzzittern.

Für die Ohnmacht/ Syncope  
 genandt.

Rosmarin in Wein gesotten mit Dianthos gemis-  
 schet/ ist gut wider die Ohnmächtigkeit.

Ein halb loht Cubeben gepulvert/ vnd genüzt mit  
 Burretschwasser/ ist gut wider die Ohnmächtigkeit.

Cardamomum ist gut gebraucht denen/ die Ohn-  
 mächigkeit haben.

Galgan genüzet mit dem safft Borragen/ benimpt  
 vil Ohnmächtigkeit.

Mutterkraut gesotten in Wein/ ist fast gut für groß  
 Ohnmächtigkeit/ die da kompt von Kälte.

Os de corde cervi/ ein Bein in eins Hirschen Herze/  
 ist fast gut den Menschen/ die Ohnmächtig seind.

Rosenwasser gedrunckē/ ist fast gut denen/ die groß  
 Ohnmächtigkeit haben.

Senet mit Wein gesotten / vnd mit ein wenig Im-  
 ber vermischt/ ist gut wider Ohnmächtigkeit.

Spicanardi gedrunckē mit kaltem wasser/ benimpt  
 die Ohnmacht.

Satureia/ Gartenöl/ oder Sedeney/ von diesem  
 Kraut gedrunckē / ist gut denen die Ohnmächtig seind.

Imber gemischer in die Kost/ ist fast gut denen/ die  
 in Ohnmacht fallen.

Cap. xxiiij. Für das Bauch-  
 wehe.

**R** Noblauch gestossen / vnd darunder gemischer  
 Coriander / vnd also genüzet mit Wein / der  
 Drancē erweicht den Bauch.

Oder